



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Prognosticon Aus Gottes Wort nötige Erinnerung/ Vnd
Christliche Busspredigt zu dieser letzten bösen Zeit An
hohe vnd nider Standes Deutsches Landes: Auff den
Cometen/ so von Martini des 1577. Jars/ ...**

Irenäus, Christoph

[Erscheinungsort nicht ermittelbar]

VD16 I 292

XVII. Gott strafft Land vnd Leut vmb verachtung vnd verfolgung seines
Worts vnd Diener/ vnd vmb ander Sünden willen.

urn:nbn:de:hbz:466:1-36702

re doch Hanania/ bu hast gemacht/ das sich dise Volck
auff Lügen verlest: Darumb spricht der Herr also/
Siehe/ ich wil dich vom Erdboden nemen/ dis Jar solt
tu sterben/ denn du hast sie mit deiner Rede vom HErr
ren abgewend. Also starb der prophet Hananias dessels
bigen Jars im siebenden Mond/ Jere. 28.

Solche vnd dergleichen außs der heiligen Schrifft/
Kirchen historien erzelt Exempel/ darzu auch vil auß
tegllicher erfahrung zu vnser zeit komen/ sind allen Ty
rannen/ Verfolgern/ Anstiftern/ Apostaten vnd Ma
melucken/ die an Gottes legaten vnd Christlichen Pres
digern sich vergreiffen/ zur Warnung geschriben/ das
sie sich dabey spiegeln sollen/ vñ buß in der zeit der Gna
den thun/ vnd einen Abtrag hie mit Gott vnd der Ch
ristlichen Kirchen machen/ ehe das Gnaden stündlein
ausleuffet/ vnd von irem bösen wandel abstecken.

XVII.

**Gott strafft Land vnd Leut vmb verachtung
vnd verfolgung seines Worts vnd Diener/
vnd vmb ander Sünden willen.**

Gott der Herr strafft nicht allein die Verfolger an
irer Person/ wie gehört/ Sondern es müssen auch
Land vnd Leut vmb dieser vnd anderer Sünden wille
offt herhalten/ zu grund vnd boden gehen/ wie viel Ex
empel außweisen.

Die ganze Gottlose Welt wird mit der Sündflut
erweufft/ Sodoma/ Gomorra vnd andere vmbliegende
Königreich vnd Stedte/ werden mit feuer vnd schwe
fel vom Himmel vmbgekeret. Das Jüdische Land wird
von dem Könige zu Assyrien vnd Babel verheret/ vnd
die Jüde gefenglich weggeführt. Darumb das sie Got
tes wort veracht/ den Nocha/ Loth/ die Propheten ver
folget/ vnd in allen Sünden vnd Schanden sicher ohne

Ec 2 Buß

Zusv vnd Bekerunge ohne vnterlas fort gefaren.

Der Herr Christus drawet auch Jerusalem / das es sol vberzogen / belagert / erobert vñ geschleiffte werden / vnd sol wüst für vnd für ligen bleiben / wie denn auch er gangen / Darumb das sie die zeit irer Heimsuchung nicht erkant / den Herrn Christum iren Messiam vñ herland der Welt / sampt seinen Aposteln bis in Todt versolget. Item Christus sagt Matth. 22. das der König nicht allein sey zornig worden vber die / so seine Knechte / welche gesand sie zur Hochzeit zu laden / gegrieffen / gehönet vnd endlich getödtet / Sondern habe auch in seinem Zorn endlich sein Heer die Römer ausgeschiedet / die mussten in seinem dienst als der Staupbesem sein / die Spötter vñ Mörder umbbringen / die Stad mit Feuer verbrennen / vnd so grewlich mit den Jüden gefaren / das es einen Stein möcht erbarmen.

Man darff nicht gedencen / das Gott jemand schencken werde / der sein Wort verachtet / vnd seine Dienste tödtet. Er schweiget ein weil stille vnd sihet zu / Aber zu seiner zeit kompt er vñ schmeißt drein / Wie Christus drawet / Der König ward zornig / schickt sein Heer aus vnd brachte diese Mörder omb. Darumb werden unsere Tyrannen vnd Gottlose Bischoue / die das heilige Euangelium verachten vnd verfolgen / dem zorn Gottes nicht entrinnen / ob schon die Straffe ein zeitlang verzeucht / denn sie hören nicht auff zur obē / wider Gott vnd sein Wort. So ruffen wir auch stets zu Gott / vnd das Blut vnser Brüder / so vergossen ist / ruffet auch. Darumb wird Gott in einer Kürze komen / vnd das Blut seiner Aufferwehltten redlich rechen / vñ seine Feinde straffen / denn er hat seine Aufferwehltten lieb / vñ will sie nicht verlassen / vnd das wir zu Gott scheien / das wir dem Teuffel wehren / vnd vns retten wölle / Amen.

GOTT